

書名 空同先生集六十三卷 嘉靖九年序刊本
撰者 明 李夢陽 撰
卷 卷二十一
內容分類 集 別集-明中葉
索書號 倉石:40084
編號 4008000

卷二十一



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在
下江河
逆矣天
喬喬天

北郡李夢陽撰

鈍賦

述征賦


宣歸賦

寄兒賦

竹石賦



空同先生集卷第二十一



北郡李夢陽撰

詩 七言歌行三十二首

寄贈送酬二十三首

顧侯寄陳留公砥柱障子并詩予為作歌

雷電行贈憲卿何公美其伐也

送兒詩四首 邊馬行送太僕董卿

風沙篇送王生北行 贈張帥

贈鮑帥 白河篇送李南陽

汴河柳送沈生 王孫餽米詩以酬之

贈趙將車 贈胡石陵

贈滄洲道人

送李帥之雲中

贈張生

送王封君還四明

何儀賓生日贈歌

七夕贈王昌程誥

再送沈生

畫鷹歌贈鮑帥

感述九首

歲暮四篇

徒涉嘆

松泉子歌

飛星篇

吟思翁

鈴山堂歌

寄贈送酬二十三首

顧候寄陳留公砥柱障子并詩予爲作歌

東吳顧子相公容掃絹畫水復畫石天衝地擊河怒

號巍巍一柱當橫濤突立百回知氣勢穩鼓盪轉見孤
稜高淋漓新題墨猶濕封緘遠竒心誠勞昔公平章
握軍國執義委有排山力甚哉懃如漢汲黯老而純
過唐師德言違諫阻去何決群猜衆怒不動色同時
門客顧最親隔絕夢寐懷偉人峩峩砥柱公實倫顧
也歌之情句真畫者誰子筆更新數尺絹面開嶙峋
遂令觀者重回首堂上恍惚河聲吼嶽嶺若遘虎豹
踞蹙沓似覩蛟龍走竒怪常虞霹靂奪孤危定遣神
明守君不見鰲極有時艱崑崙有時翻柱平柱平永
且安

雷電行贈憲卿何公美其代也

黃塵蔽日賊大戰元年年除夜雷電我軍後之天威
前一鼓破賊淮陽川昨者此賊生齊東眼中久已無
河嵩渡河轉戰勢果熾長矛健馬六石弓睢陳飛刃
晝接白毫頰劫火宵連紅一路生靈餓餓虎中原殺
氣回春鴻于時中丞秉鉞出誓不滅賊如此日三軍
素壯元老猷諸將咸遵丈人律孔明綸巾不離首羊
祜輕裘僅掩膝精采遽增朱雀幟運用或叅白猿術
陷陣直如風掃葉追北譬之蜂就蜜二月朔日振旅
歸夾道桃花照鐵衣傾城盡出牛羊犒父老爭迎錦
繡旂喜氣真隨陽氣發愁雲化作卿雲飛捷聞天子
喜動色滿朝譽公降襃勅白金綺繒寧足酬異日凌

煙看畫墨

送兒詩四首

冬至至後風愈嚴野水皓皓霜凍顛河澌日昏不易
涉孤劍匹馬慎汝楫

北風蕭蕭狐裘薄蔽堤立馬勸汝酌汝伯煨酒友奉
孟路人不行為踟躕

壺乾日斜客子發臂弓上馬意氣勃斬蛟擒虎及汝
時我幸健飯無父思

平生自許萬言書今往謁帝承明廬春風走馬未
爲得下有管樂上契稷

邊馬行送太僕董卿

治賢在朝亂在野唐虞圉牧皆賢者國君之富馬爲
急次者僕卿首司馬漢人五郡開河西中土始聞胡
馬嘶此馬碗礪一直萬黃金寧輕璧可賤奪駿曾空
大宛國按圖徑上長安殿昔著雖誇近苑春荆榛誰
記沙場戰致遠畚歸草木功清芽秀味走胡駉三邊
盡跨連錢種六苑群嘶汗血風人亡世殊霜雪急草
豆蕭瑟馬骨立驂騮氣喪甲士苦長城窟寒鴻鴈集
朝廷每勤西顧憂四岳拜手推董侯攻駒暫出薇
花解攬轡遠過葡萄酒行卿官冷心不冷固知董侯
今伯固磧沙日黃雲錦亂徵侯定上金華省

風沙篇送王生北行

顛風吹沙江海波汝乘玉駟超天河豫章千尋勢自
穩黃鵠萬里誰能羅我逾五旬鬚盡白日采山精煉
白石臨分贈汝一粒丹願言寶之勿輕擲

贈張帥

張侯五十毅強弩遇敵控馬氣如虎年來威坐都統
衙境內盜息無塵沙自言少壯從征虜北掃朔漠南
閩楚暇時勤出射雲鴻古來矍鑠成大功

贈鮑帥

蒼鷹自與凡鳥異虎子墮地食牛氣鮑侯三十名譽
成才猷吐布于人驚只今塞上風塵起 朝廷拊髀
思頗李君之寮案皆英奇同升早勤燕然碑

白河篇送李南陽

白河日赤沙吐雲人喧吏闕迎神君三月萬花擁車
入滿城竹馬兒童出君昔坐郡襄漢東氣勢三楚生
雄風擿奸無論漢張敞秉義直到唐梁公霜飈偶折
奮翅鷲日月竟照凌寒松鐵幹又擬作隆棟劔翮卽
睹追飛龍空同老儒不君識傾蓋逢之喜動色論文
開口夜嘗日憤事扼腕晝遽黑南陽雖邇路終隔音
書易通見難得我欲扳君數日住南民望之餒待食
君心透徹皓如玉壺之清水君林磊落歸如萬仞之
立壁高議足以排山岳偉文足以華人國只恐茲邦
難久留漢庭來徵郭細侯

汴河柳送沈生

汴河柳嫋嫋拂地長雪花風起春飛揚送君立馬古
堤口踟躕勸盡黃金觴有車駢駢官道旁轅駒喘噫
何徬徨於中豈無神駿骨伯樂不遇誰爲彰人生富
貴信有命英雄仰面高天蒼高天蒼飯牛牧豕皆騰
驤

王孫餽冰詩以酬之

流金毒日赤墮地忽有冷色寒人心誰敲水晶迸大
壑力剖冰井開重陰高盤礪堆久不化老齒澆灑差
能禁安得移之白繞座一尊一酌還一斟

贈趙將軍

豐沛之間河亂走洶洶之勢成波藪大船愁淺小愁
賊賊船如飛葦灘黑自從將軍鎮東土晝夜人行路
不溢將軍本是將門種軀幹堂堂萬人勇入山縛虎
百獸懾赤手批蛟色不動射楊葉盡矢亦盡始知百
發還百中 武宗見之屢疑顧戟郎遽拔干夫總英
雄自古不下人將軍獻策况有文驍騶暫蹙歷塊足
鵬鷲竟上橫秋雲世情金多位乃高圖名交結須賢
豪將軍無錢自樹立於人傲氣但長揖擠出事體雖
云乖威勢我喜行河淮黃流穩帖遁鯨鱷白日光彩
收狼豺大同反外血未乾甘州磊卯人心寒薦書何
田至 天子拜將早築黃金壇

贈胡石陵

世情認假不認真脂粉羅綺登上嬪娥眉入室衆女
妬辛苦年年織紈綺織成進君翼君憐腐草迴日光
在天荆山石中抱神異氣如白虹勿輕弃

贈滄洲道人

滄洲道人年半百顏如渥丹髮不白飢餐玉芝坐雙
鳳渴收石髓煮金液海月西照寧仙橋道人橋頭吹
紫簫夜半雞鳴日毬躍扶藁滾滾生紅潮

送李帥之雲中

黃風北來雲氣惡雲州健兒夜吹角將軍按劍坐待
曙紇干山搖月半落槽頭馬鳴士飯飽昔爲完衣今

綉襖沙塲緩轡行射鴈秋草滿地單于逃

贈張生

男兒三十骨格成貧賤富貴皆天生張生廣額日月
角自幼勤書飽文學十年雖伏人不知一日雄飛動
河嶽君不見宋朝宰臣云姓周少時坎坷風塵游偶
然夜夢更美鬚泥蟠遠爾行天衢

送王封君還四明

季札如魯請觀周子長足跡半九州向平且然志五
岳誰肯齷齪終一丘封君昨年出吳越長嘯梁園醉
秋月春風垂楊縮不住便復歸山採薇蕨鑑湖花開
雲錦浮鳧鷖前導紅蓮舟餐霞坐收赤城氣晞髮卧
看扶葉流古云徐卿百不憂君亦滾滾生公侯君不
見大郎繡衣昔持斧聲名赫赫今臺府

何儀賓生日贈歌

賓客白馬黃金鞭入門長揖皆我冠堆冰五月窓閣
冷風簾碧簾光琅玕主人平生貴然諾季布一言重
山岳人聞杜良數郡至坐無車公衆不樂列筵解帶
羅庶羞萬年爲壽千金酬向夜銅槃灼絳蠟鳳笙龍
笛何啾啾

七夕贈王昌程誥

摘酒椒羊召朋侶擬向今宵看牛女雨來颭颭楓林
秋張燈促燕開東樓王侯旣駕鐵馬立前驅北首旌

空齋集卷三
旗濕程生買棹亦欲歸長江南望雲飛飛人生去住
料豈得一日同歡有南北君不見雙星一水意脉脉
轉眼陰晴不可測且倒金尊澆我萬古之曾臆

再送沈生

去年酌汝池蓮紅今年酌汝黃菊叢秋風颭颭吹枯
蓬飄轉向西忽復東世情敬貴不敬賢黃金不多人
不憐如脂白玉隱在璞孰肯剖致君王前白河馬歸
玄鴈起南陽賓客梁園比送君高歌枚子篇修竹團
藥夾池水

畫鷹歌贈鮑帥

鷲鳥決皆如愁胡猛將氣每吞匈奴自將黑鷹掛堂

壁百鳥窺之不敢呼安得此鷹生卽起擊兎擒狐日
千里將軍彎弓騎紫騮一箭射天落旄頭

感述九首

歲暮四篇

天霜草枯風波濤愚心恐懼賢心勞羣聚飢獸野鳴
號高飛路逆鴻嗷嗷有狐河梁間且得冰行綬綬柰
爾音

百騎橫矛血提刀我軍菜色馬蝟毛誰謂河廣不容
舠北旌獵獵風黃蒿可憐十羊抗一虎塵沙暗河暮
淮浦

長風烈烈吹山寒有松瑟瑟山之端鋪蕤布蔭芘小

草霜勢雪力莫可干
阜蘭晚蕙日摧隕
美而不遇良可嘆

枯蓬飛沙原野昏
律窮物慘生意存
向夕氣嚴扃我門
霜白月凍啼夜鷓
圍爐煨芋啖濁酒
有話細與妻兒論

徒涉嘆

兩山欲交水斷破
洪川無梁日漸墮
徒涉紛紛江復深
鼉喧龍鬪真愁心
無言既濟平安子
得路回看轉不禁
君不見岷風翻翻
卷瓠葉皇天倘賜
築巖楫

松泉子歌

巖崖嶽嶺撐一松
鐵榦屈曲如老龍
精靈歲久發光

彩寒製古翠芙蓉
峰石泉清冷日漱
洗泪澗瑟風松風
裏山人何年住其
側手斲伏苓煮泉
水近來蕭灑落風
塵賣藥救世能通
神我勸山人且勿
歸金鏡玉七行陽
春

飛星篇

十月廿七昏尚坐
一星出垣斗如大
碎光萬點長燭天
軒牖盡明向西墮
俗子蒙頭不讀書
魯人鐘鼓拜爰居
天道悠悠誰復知
世間魚目爲明珠

吟思翁

吟思翁翁我思蒼
松碧梧世希有海
月紅雲如見之孤
鶴引唳志在萬里
吞舟之魚豈遊涪
水嗟嗟噫嘻

我思者翁翁思者何停雲日暮滄溟波

鈴山堂歌

先生昔隨玄豹住丹壑冥濛日烟霧先生今與赤龍
飛南望碧山空翠微茅堂蒼蒼雲氣入囊琴鎖戶陰
陰濕沚蘭沙温春鳥暮庭松月清夜鶴立君不見山
下石崖巖千尺磯經年不釣苔成衣玉璜羊裘各有
分可問王孫歸不歸

生同先生集卷第二十一

和母太夫人八十壽歌

一本有此詩在鈴山堂歌之下

遐齡可得不可必有兒能賢百當一夫人今年歲八
十髮霜髮雪晴如漆早起晏卧思慮周鹽豉醢醬咸
經眸兒婦孫婦羅前頭跪進美酒兼珍羞曾孫要馬
氣食牛夫人抱弄百不憂秋清風涼露欲白大帶綈
冠滿堂客坐中誰老誰最故感觸停觴念疇昔回思
和李通家始夫人紅顏我童子脩短悲歡各不齊五
十年來一彈指長輦幸有夫人存母壽兒賢萃一門
詞人特獻南山筆賀客爭開北海樽買屋我欲為比
隣桑麻地接如雲屯年年再拜萱華側孰謂今少朱

陳村



天
下
第
一
書
局
藏
書